

AB

58350




oo 20

LH 00 Hw.













2  
2, a.

**Dialogus von der zweitrach-**  
**tung des heyligen Chri-**  
**tenlichen glaubens**

neulich erstanden/darin der mensch  
vnderricht wirt wie er sich yn  
denen vñ andern yrr-  
thūmen halten  
sol.

• • •

**Die personen in**  
**dizem buchlein.**

Ley.  
Pniester.  
Christus.  
David.  
Paulus.  
Moses.  
Johannes.

147





*[Faint, illegible handwritten text, likely bleed-through from the reverse side of the page.]*





## Der Ley.

**Es** seind neulich die Christen  
ym glauben zwitrechtig worden/ vñ schreiben d massen widder  
eynander/ das sie mich auch yriig gemacht habent/ also dz ich  
nit weiß was/ oder wem ich glaubē sol/ eyner gibt dem Luther  
recht/ d ander dem Papst. So han ich des gut vnd vnkuntlich  
wissen/ das etlich vmb gelt geschryben vñ prediget habēt was  
man gern gehört hat/ so dan die welt als falsch ist/ wil ich nie  
mants glauben/ sonder nur was die Chrustenlich kirch glaubt.  
P R J. Was glaubt sie. L E X. Ich weiß nit. P R J. Bistu  
den so eyn richtiger Chrust. L E X. Wie sol ich ym thun/ ich  
bin nit geleert. P R J. Bedarffest daruß das Euangelium nit wis  
sen/ Es ist nit genug das du glaubst/ du must die werck auch  
thun. P A W. glaub an die werck ist niendert fur. C H R J S.  
Mit eyn yeder der zu mir spricht herr herr wirt eyngen in das  
reych d hymel/ aber welcher thut den willē meins vatters/ d in  
den hymeln ist/ d selbig wirt yngā in dz reych d hymel Mat. 7.  
P R J. Wie thust du seynen willen so du das Euangelium vnd  
ander der zwelfspotten geschufft nit kanst. L E X. Mich bez  
dunck yn meynem sin ich thu gantz recht. P A W. Wir bitten  
aber euch bruder durch die zukunft vnser hern Jesu Chusti vñ  
vnser versamlug in im/ dz ir nit bald beweget werdēt vñ ewern  
finden/ od nit erschreckt werdēt wider durch geyst nach predig  
nach durch Epistel/ als ob sie durch vns gesendet sey/ dz euch  
nyemant versuer einicherley gestalt. 2. Tesseloniceñ. 2. L E X.  
Wer wirt vns versuren. P A W. In den letzte zeyten werden  
etlich abweichen von dem glauben/ auffmerckende den geisten  
der yriig vñ leren der teuffel die lügen reden. 2c. verbiethen den  
Elichen standt. 1. Timoth. 4. L E X. Die prophecey ist schon  
eyns teyls erfult worden/ dan die priester haben nymme eeliche  
weyber/ mich beduncket aber es wer vil besser sie hettens noch



so blyben manch's bidermans weis vñ kind frum/dan sie kō-  
mē leichtlich hunder sie yn d' beicht. **PAV.** Es sol ein bischoff  
eyn man cyns weybs seyn **2c. i. Timoth. 3.** **PKJ.** Die Bepst  
habens aber vns verbotten/vnd ist Calixtus freylich d' erst ge-  
wesen. **LEK.** Mit der weis wern sie die gewesen die vom ge-  
lauben ab gewichen seynd/wie Paulus yetz gesagt hat. **PKJ.**  
Schweig der red. **PAV.** Vnd abbruch zu thun mit speys die  
gott geschaffen hat zu empfangen mit dancksagung den seligen  
vñ denen die erkent haben die warheit/so doch ein yede creatur  
güt ist vñ nichts hū zu werffen / dz mit dancksagung empfan-  
gen wirt/dā es wird geheiligt durch dz wort gottes vñ gebet  
**LEK.** Sie seinds warlich/dā sie hand fleisch vñ eyer zu ertz-  
licher zeit ver botten. **PKJ.** Red nit zuwil/ du verstaft es nit  
oder man thut dich yn den ban. **LEK.** Her almechtiger gott  
wolt ich dennoch gern wissen wer die seynd die vns verführen  
es wer der Luther oder Bapst/da nit ich mich wist zuhutten  
**CHRJS.** Sie werden schwer vnd vntreglich burden auff d'  
menschen schultern binden/aber mit yren fingern nit anruren.  
**Math. 23.** **LEK.** Her das thunt warlich die oberste priester  
dan sie habē das fleisch verbotten/vñ essens doch selbs yn der  
fasten vnd zu andern verbotten zeitten/vñ ich meyn ernstlich  
herz sie seyn die von denen du yetz gesagt hast/vñ sie seyn auch  
die die vns verführen werden/darumb gib vns ein wartzeichen  
das wir sie mügen erkennen / vñ vns vor ynem hutten.  
**CHRJS.** Auß yren fruchten werden yr sie erkennen **Math. 7.**  
**LEK.** So sihe ich leider nit vil guts von d' püesterschafft sie  
weydē sich selbs/vñ nit die schefflein/sie entzihē vns stets vñ  
ser leibß narung/ yetz mus man das geben/ yetz yhens/vñ sol-  
ten doch nur vom zehenden leben/so geben sie vns das sacra-  
ment vnd anders nit on gelt/als du yn gebotten hast/vñ soltē  
wir ymer on sterben/darzu wen wir vō dem Euangeliū reden/  
so heysen sie vns winckel prediger / vnd mügen nit leyden das  
wir daruō sagen. **CHRJS.** Ich sag aber euch/es sey dā das  
ewer gerechtigkeit vberflussiger sey dan der schreiber vñ gleis-  
ner/sunst werdē yr nit kōmen in das reych der hymel. **Math. 4.**



**L E Y.** Darüb wirt mir not seyn das ich d sach weytter nach  
frag/ da mit das ich nit vileicht gar dē Endchust anhang vñ  
seyner versurung nach folge/ wie sol ich doch den selben erken-  
nen wen er mir zukumpt. **P R V.** Er wirt erhöcht vñnd geert  
vber alle ding das do got ist/ wirt ym tempel gottes sitzen/ sich  
ertzeygen als ob er got sey. 2. Tesseloniceñ. 2. **L E Y.** Es ist  
vileycht der Bapst/ d sitzt yn sant Peters kirchen zu Rom/ vñd  
wirt eyn yrdischer gott geheysen vñd erlich vñd hoch gehalten  
also das man yn tragen muß/ vñd yn den allerheyligsten heis-  
sen/ das erdich vor seynen fussen vñd seyne fuß küssen / es wer  
eyn engel gnug/ So hat got solich preng vñd hoffart vñ dem  
obersten engel nit leyden wollē/ er sicht ym nit vngleych/ darüb  
weiß ich schier nit wie ym ist. **P R J.** Es seynd vier lerer der  
Christenliche kirchen die kunden dich wol berichtē wos du yrr-  
gast/ doch so lert der Bapst recht. **L E Y.** Ir gebet eyinander  
selbs zeugnis vñd machen vns also yr/ seynd sie dan lerer des  
glaubens hat mā ihn doch recht vñd wol gelert ee das mā ge-  
wist hat wer die vier gewesen seind/ Darzu stet geschribē. 1. Ti-  
moth. 1. es yre etlich am rechten glauben vñ wollen dennoch  
lerer des Christenlichen gesetx geheysen seyn/ vñnd verstand nit  
was sie reden nach bestere/ so hand yr etliche yr yrrüg selbs be-  
kent vñd bucher darvon geschrieben/ das die zwelfspotten vñd  
propheten nit gethan haben/ darumb wil ich kein Doctor vñd  
schreyber aufferhalb der Bibel annemenn. **P R J.** Woltestu  
des vil treyben so wyrt man dich yn der beycht nit absoluiren.  
**L E Y.** Ir werdent dennoch Paulū nit zu eym lugner ma-  
chen. **P R J.** Es macht ym niemant zu eym lugner/ du must  
yn aber auch recht verstan/ er hat den Luther gemeint. **L E Y.**  
Wie kan das gesein/ begeret doch der Luther nur zu dem heylig-  
gen Euangely vñd dar bey zu bleyben/ aber du o herr vnser er-  
löser sprich hie vrteyl/ da mit niemant den falschen vñnd vnges-  
rechtē glaube. **C H R J S.** Welcher volbringet eyns meynen  
mindisten gebottē vñ leret die leut also/ d wird der mindest ge-  
heysen yn dem reych der hymel. Math. 4. **M O Y.** Verfluchte  
sey der nit bleybt yn dē sermonen des gesetx vñ sie volbringet vñd



sollen alle volcker sprechen Amē Deutr. 27. **LXX**. Darüb sol  
mā dem glauben d dem Euāgelij am nechsten zu leget. halden  
Vnd das thut der Luther/so wil ich auch darbey bleyben/ vñ  
kein ander gesetz od glauben auffnemen. **PKJ**. So wirt man  
dich nit absolviren/ sunder yn ban thun. **CHRJS**. We euch  
schreiber vnd gleyßner die da zu schliffen das reich der hymel  
vor dem menschen/dan yr kōmen nie darein/vñ lassen niemāde  
darein kōmen Math. 23. **LXX**. So wil ich lugē wa ich ein  
Beichtuatter findt der mich gern absolvirt. **DA**. Beichte dem  
herin der hymel vñ erd geschaffen hat dā seyn Barmhertzigkeit  
ist ewigklich. **PKJ**. Der Bapst hatt gwalt alle gesetz Christi  
zerbrechen vñ machen wie er wil. **LXX**. Es ist gut zu glau-  
ben das got der püesterschafft nit hat gewalt geben seyn gesetz  
zu brechē od eyn anders machen / sonder zuhandhaben/auch  
so lauten die wort Christi vnd Moysi hie oben vnd an andern  
örten nit also/yr nemē euch des gewalts nit selbs an/ir möch-  
ten schlecht verstendig leut als yr machē dz sie nit wissen wen  
sie hören solten. **JWZM**. Welcher gott kennet der hört vns  
welcher nit auß got ist d hört vns nit/yn dem erkennen wir den  
geyst der warheyt/vñ den geyst d yrüg. 1. Jo. 4. **LXX**. Nun  
hon ich auß disen vñ allen andern worten wol verstandē vnd  
auch klerlich Math. 24. vñ. 1. Johā. 2. gelesen/dz die versurer  
auß der püesterschafft entston werden / vnd ist gut zu glauben  
dan es schreibt niemant falsch den die schreiber/wer wolt auch  
falsch leren vnd predigen/dan die lerer vnd prediger/so sihe ich  
auch nit anders/ wē ich das Euāgelij mit dem pfaffen wolt  
aussfechten so must ich nymer dz schwerd ein stecken/ nun wil  
ich ye bey dē ppheten vñ Aposteln bleyben/dan ich bin berich-  
tigt das Thomas von Aquin (der selbs ein Bruder d heyligen  
geschafft geachtet was) vil geschriben hab/ doch an seinē letz-  
ten end verzagt sey/ die Bibel an seinen arm genomen vñ ges-  
prochen. Ich glaub was yn dem buch stet/ So wil ich einem  
yeden raten das er auch darbey bleyb/ vnd all ander Doctores  
schreiber vnd lerer vnnötig achte/ die weil niemāt on den heyl-  
ligen geyst volkomlich schreibt. Ich hon darfur die zwelfspots



ten die geschriben haben durch einsprechung des heyligen geists  
haben nit vil vergessen oder versaumpt/das die munch docto-  
res yzt herfur bringen wollen vnd gebracht haben. So bedürft  
es nit vil disputirens das man denen vnd andern yrunngen fur  
komen möcht. Wen die priesterschaft dz Euangeliū vñ Epi-  
stell 8 zwelfspotten predigē/ wa vns das selbig hin weyft/soltē  
wir billich auch nach komē. Doch das sie vns mit yrē glosieren  
vnd auslegen vnbedumert liessen/ vñnd bezeugen sich mit key-  
nem leter außserhalb der Bibel/ als mit Scoto vñ Thoma vñ  
Augustin mit Bernharde Ambrosio Bonauetura Augustino 2c.  
noch nit mit heyden/ als mit Aristotele vñ Aueroe vñ andern  
mer der gleichen/ die nit durch den heyligē geyst geschriben ha-  
ben/ dan sie sagen nit alweg gleich/ so entspringt vnghlaub dar-  
aus/ es sicht offit eyn ding eym gutten gleych vñ ist böß/ so ver-  
teyler auch maniger eyn ding recht / der ander spricht es sey nit  
recht/das alle mensche seyndt lügenhafftig spricht David. So  
hat man yn beyden Testamenten das nyemandt seynem kopff  
vñ guedücken nach predigen leren noch glauben sol/nit bessern  
auch bößern/sonder der heyligen geschribt nach komen wie sie  
aus weyset/nit das wir meynen wir kundens haß. Vñnd must  
vns auch die priesterschaft kein fabel ( als Paulus leret ) sur-  
halten. Wir lesen das gott der herr die vbertretung vnd verach-  
tung seynes gebott hertigklich gestraffet hat / das sollenn wir  
billich zu hertzen nemen/ daz vns auch nit 8 gleichen geschech  
als dan vor augen ist/nit von der Bibel zu weychen/vnd kein  
ander geseze vnd glauben annemen. Ob schon eyn engel vom  
hymel herab keme oder Paulus selbsts/ wie Paulus sagt/ der  
vns anders leret dan sie vns vor gelert haben/ sonder solt ver-  
damnung vñnd verfluchung seyn.



10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100





58 350.

AB 58 350

ULB Halle

3


003 005 690











2  
2, a.

# Dialogus von der zweitrach- tung des heyligen Chriſ- tenlichenn glaubens

neulich erstanden/darin der mensch  
vnderricht wirt wie er sich yn  
denen vn̄ andern yrr-  
thūmen halten  
sol.

Die personen in  
dizem buchlein.

Ley.  
Pueſter.  
Chriſtus.  
David.  
Paulus.  
Moses.  
Johannes.

177